

trahant, vel saltē triduo ante matrimonii consummationem, sua peccata diligenter confiteantur, & ad sanctissimum Eucharistiae Sacramentum pie accedant.

329. Q. 3. Quae notitia Parocho necessaria, ut debite Sacramento huic prospiciat? R. necessarium esse, ut ea exacte noverit, quæ tum sponsalia, tum ipsum matrimonium secundū se, tum matrimonii impedimenta concernunt. De singulis tractabimus singulis articulis in suos §§. divisis. Unde sit

### *ARTICULUS I.*

#### *De Sponsalibus.*

##### *§. I.*

#### *De Sponsalium essentia & constitutione.*

330. Q. 1. Quid sint Sponsalia? R. Sponsalia à spondendo dicta, sunt propriè, & strictè promissio voluntaria, deliberata, & mutua, signo sensibili expressa futuri Matrimonii inter personas jure habiles. Dicitur 1. Sponsalia propriè, & strictè dicta: quia impropiè, & minus strictè etiam matrimonium ratum appellatur sponsaliorum nomine. Et hinc matrimonio rato vinculati minus propriè Sponsus, & Sponsa dicuntur. Gobat. tr. 10. n. 2. Dicitur 2. promissio: Solum enim propositum non obligat. Busenb. tr. 6. p. 3. d. 1. Dicitur 3. voluntaria

& deliberata, ut videlicet utraque pars consentiat. Deliberatio autem tanta sufficit, quanta sufficit ad peccandum mortaliter, Hinc à sponsalibus excluduntur amentes, surdi simul, & cæci, ebrii &c. quam diu actus humani & contractus sunt incapaces. Non excluduntur autem iracundi, ac æstu amoris, & libidinis accensi, nisi mens perturba-  
retur. Sanch. l. 1. D. 7. n. 10. Dicitur 4.  
*mutua*: quia sunt contractus, qui semper hanc conditionem involvit: *promitto si promittis*. Hinc promittens altera parte non promittente, nec ex justitia, nec ex fidelitate obligatur, tametsi obligatio sit jurata; si tamen promissio acceptatur, ex fidelitate erit obligatio in promittente. Busenb. cit. Dicitur 5. *signo sensibili expressa*: sic enim omnis contractus inter homines fieri solet. Dicitur 6. *futuri matrimonii*: quia promissio de praenti est ipsum matrimonium ratum. Rationem dat Laym. l. 5. tr. 10. p. 1. c. 1. n. 2. quia verba con-  
trahentium accipienda sunt secundum na-  
turam contractus. Quod si una pars depen-  
denter ab alterius re-promissione promittat,  
censet Gobat. n. 20. promittentem obligari,  
non tamen teneri expectare ultra decen-  
nium; securi si independenter. Dicitur 7.  
*inter personas jure habiles*, seu quæ ætatem ha-  
bent à jure præscriptam, & nullo impedi-  
mento prohibentur. Busenb. cit.

Q. 2. *Quæ verba certè, qua sub dubio consili.* 331.  
*euant Sponsalia?* Rx. Cum Gobat. tract. 16. n. 48.

P. *Herzig May.*

O

&

& seq. Verba, quæ certò constituunt sponsalia, sunt sequentia & iis æquivalentia: accipiam, vel ducam te in meam. Promitto me ducaturum te. Promitto me te ducaturum in crastinum. Accipiam te, ducam te deinceps, posthac, ex nunc te ducam. Non aliam, sed te ducam. Accipiam te in uxorem. Promitto, obligo me, do tibi fidem meam, quod te ducam. Sub fide mea te ducam. Habeas me infidum, nisi te ducam. Sub dubio constituunt: Promitto me despontatum te. Desponsabo te. Tecum sponsalia contraham. Volo contrahere tecum. Placit te ducere, Volo te tenere, vel habere in uxorem. Mea eris. Sequentia demum non Sponsalia, sed matrimonium constituunt: accipio te in meam. Habeo te in uxorem. Providebo tibi sicut uxori, (quam tamen formulam in dubium revocat n. 52. nisi vel mos patriæ suffragetur, vel addatur particula semper, aut: Ex nunc) Ex nunc reputo te in uxorem. Ex nunc, vel semper, vel posthac habebo te, tenebo te pro uxore.

332. Q. 3. Si Sponsus, vel Sponsa contra fidem priorum sponsalium secunda contrahat, quibus standum? R. primis, tametsi altera juramento sint firmata; nam juramentum non est vinculum iniquitatis, ut docent Doctores in cap. sicut de sponsal. Sponsalia autem posterius inita iniquam promissionem continent. Idem dicendum, si posteriora copulam annexam habeant, & inibi Tridentinum receptum sit, licet Jus antiquum c. is qui fidem de sponsal. talia validet

lidel tanquam matrimonium clandestinum. Si posteriora coram Parocho aliisque testibus celebrata sunt, priora clām, per accidens subsistere possunt, si sponsus intelligat sibi & priori sponsæ etiam oblato juramento fidem in consistorio non habendam. Sanchez l. i. disp. 49. n. 6. Subsistunt etiam posteriora, si ex violatione priorum exiguum incommodum, alteri sponsæ autem priorum ignaræ, & spe matrimonii in copulam consentienti grave timendum sit, præsertim, si prolem suscepit; ob regulam receptam apud Sylv. v. Sponsalia n. 7. si duo vincula disparis potentia incompassibilia contrahantur, fortius repellit minus forte.

Q. 4. An promissio ficta, & simulata sit va-  
lida? R. cum Gobat, h̄c n. 30. negativè;  
quia talis promissio non est propriè promis-  
sio. Quòd si promittens serio promittat; at  
careat animo standi promissis; erit quidem  
promissio valida, ut demonstrat Perez disp. I.  
Sect. 7. erit tamen perfida, & mortalis, si  
exigat recompensationem, venialis, si hanc  
non exigat. Ratio est, quia prior est gra-  
viter noxia, non secunda. Unde etiam hæc  
puniri non solet à jure, sicut prior secun-  
dum proportionem damni, quod pars de-  
cepta incurrit. Si verò compensatio aliter  
fieri nequeat, ut si alioquin pars decepta  
gravem ignominiam passura; vel in copu-  
lam inducta esset, promittens fictè ad nu-  
ptias compelli potest. Excipe, nisi pars de-  
cepta

cepta ex circumstantiis fictionem advertere debuisset; quo tamen posito etiam tenetur ad nuptias promittens, si conditonem carinalis copulæ acceptavit; quia talis spontanea copulæ acceptatio est contraria internæ protestationi;

- 334.** Q. 5. *An pro sponsalibus requiratur voluntas formales, & directa?* R<sub>1</sub>. affirmativa. Ratio est: quia pro administratione Sacramentorum, item pro voto non sufficit voluntas indirecta, vel in causa; cum non fiant more humano; ergo à pari. Nec obstat 1. quod Baptismus validè conferatur ebrio, amenti &c. si priùs fuit expetitus: quia collatio talis baptismi adhuc est actio humana; non autem promissio indirecta, qualis esset in ebrio priùs prævisa, & intenta. Nec obstat 2. quod homicidium ab ebrio commissum sufficienter sit voluntarium, si priùs fuit intentum: quia occidens talis verè supponitur voluisse realem occisionem, alter vero sola verba externa, quæ nudè accepta non sunt vera promissio; alias etiam plittacus promittere posset. Excipe, nisi talis ante ebrietatem dixisset: promitto tibi matrimonium; si in ebrietate dixerim, quod te velim in uxorem habere: tunc enim verè, & ante ebrietatem immediata, & directa fit promissio. Instantia est in volente ordinari tempore ebrietatis. Nec obstat 3. quod sponsalia contrahi possint per procuratorem dormiente sposo: quia sponsus tali casu

casu moraliter vigilat, & formaliter liber est in suo vicario. Kugler Opusculo de Spons.

Q. i. n. 26. 27. 28. 29. 30.

Q. 6. An valida sint sponsalia gravi metu extorta? R. negativè, si metus hic sit injustè incussus, & ad sponsalia extorquenda. Sanch. l. 4. D. 19. n. 3. cum aliis. Ratio est: quia matrimonium metu extortum est invalidum, ut dicetur infra; ergo & sponsalia: nam si hæc subsisterent, daretur obligatio ad invalidum matrimonium. Et hoc intellegendum est, tametsi sponsalia hæc jura. mento essent firmata.

Q. 7. An liberi saltè à Parentibus, aut si. 36. milibus personis cogi possint, aut à contrahendo impediti? R. negativè. Est communis. Hinc Trid. Sess. 24. c. 1. de ref. matrimonii, anathemate damnat affirmantes matrimonia à filiis familias sínè consensu Parentum contraria irrita esse, & parentes ea rata, vel irrita facere posse. Requiritur quidem Parentum consensus; sed ad solam honestatem, atque æquitatem. Ex quo sequitur: irritam esse despontationem, quam Pater facit nomine filii, aut im-puberis, absque ejus consensu: cùm enim in matrimonio sit quasi servitus perpetua, non debent filii ad eam compelli. Cæterum liberi contra pietatem, & reverentiam parentibus debitam peccant, si illis inconsultis, aut invitis sponsalia contrahant: quia parentum cura, & potestas postulat, ut sínè eorum consensu nihil statuat: quamquam

cum hac impietate, & irreverentia contra-  
Etus suum robur non amittat. Laym. cit.  
n. 14. Excipe: nisi contractus iste fieret  
in probrum Parentum; tunc enim non sub-  
sistere: quia esset cum injuria tertii Gobat,  
n. 105. Idem est, si matrimonium tale scan-  
dalis, rixis, litibus esset obnoxium. Quæ  
causæ si absint, invitis parentibus contra-  
hentes probabilius solum venialiter pecca-  
bunt contra pietatem: cùm parentes non  
possint esse rationabiliter invitati.

337. Q. 8. *Quomodo injūstè resiliētes cogi possint?*  
R. cogi posse, & debere; non tamen absolu-  
tè & vi, si ex invitis nuptiis mali exitus ti-  
meantur. Ità Sanchez l. i. D. 29. n. 4. secus,  
si tale malum non sit timendum. Ratio,  
quod compelli possint, est: quia in omni  
contractu id fieri solet. Quod verò non ab-  
solutè, & vi, si malus exitus timeatur, ratio  
est: 1. quia coactio absoluta, & vis, non con-  
ducunt ad finem matrimonii, quem Judex  
unicè spectare debet. 2. Quia minus malum  
est permittere sponsalium dissolutionem,  
quam mala ex talibus nuptiis oriri solita.

338. Q. 9. *An valeant sponsalia ante septennium  
inita, si malitia suppleat etatem, id est, si etas hec  
capax sit peccati mortalis?* R. contra Complu-  
res cum S. Thoma 4. dist. 27. q. 2. à 2. ad 7.  
Sanch. l. i. D. 16. n. 9. Laym. l. 5. tr. 10. p. 1. c.  
1. n. 16. & aliis primi nominis Theologis af-  
firmative. Ratio est: quia pro sponsalibus  
nihil aliud requiritur, quam consensus duo-  
rum

rum deliberatus. l. i. & 14. ff. de Sponsal. 2. quia matrimonium etiam ante pubertatem contractum valet, si malitia, seu potentia generandi suppleat ætatem. c. *Juvenis*. c. 9. & ult. de despens. impub. Requiritur tamen regulariter septennium propter præsumptum in ea ætate rationis usum, ut præsertim in foro externo in casibus ordinariis, vel etiam in dubiis, si de pleno rationis usu non constet, decidi possit pro valore sponsalium, & pro non valore ante septennium. Ita Kugler Q. 6. n. 81. & 82. Porrò si malitia non suppleat ætatem, probabilius cum Sanchez l. cit. n. 4. docet debere esse septennium physicè completum, idque ob favorem contrahentium, eo modo, quo professio in religione valida non est ante præscriptum tempus physicè completum.

Q. 10. *An aliquando valeant sponsalia initia cum persona heretica?* Rx. affirmativè, dummodo scandalum absit. Constat ex praxi in multis Provinciis tolerata. Scandalum autem aberit, si in sponsalibus his sequentes conditiones adsint : 1. Ut absit periculum perversionis, ac persona Catholica liberè permittatur vivere in sua Religione. 2. Nè impediatur educare proles ritu Catholico. Hinc execrabile est eorum pactum, quo contrahens Catholicus sponsæ promittit se ei permissurum partem liberorum sine veræ Religionis cultura. Ac ideo Parochio omnino querandum, ut, si personam hæreticam

Religioni Catholicæ asserere nequit, talia pacta salutariter præpediat. 3. Ut non sit facile Catholico invenire conjugem sibi parrem, & competentem. 4. Ut persona hæretica non sit hæretica denuntiata. 5. Ut in loco, in quo contrahitur passim vigeat consuetudo sic contrahendi absque omni scandalo.

### §. II.

#### *De Sponsalium obligatione.*

340. Q. 1. Quæ, & quanta oriatur obligatio ex sponsalibus sincerè, absolute, & valide contra ejus? R. obligant sub mortali ad ipsum matrimonium ineundum. Ità communis cum S. Thoma 4. Dist. 27. Ratio est: quia omnis contractus, saltē onerosus, de re gravi obligat sub culpa lethali.

341. Q. 2. An dictam vim obligandi habeant etiam sponsalia incerta, seu cum persona incerta contracta, ut si Cajus dicat Tilio: promitto me accepturum in uxorem unam e tribus filiabus tuis? R. si Cajus sincerè, & absolute est locutus, & Tilius acceptavit, teneri unam ex illis accipere, at illam solam, quæ invenit gratiam in oculis ejus, non quam obtruserit Tilius. Hoc autem non ex justitia, sed ex fidelitate. La Croixl, 6, p. 3. n. 97.

342. Q. 3. Quid si quis dubitet, an verè promiserit? R. tunc pronuntiabit se liberum: quia tali calu dubitans manet in possessione; si tamen

tamen sciat se promisisse; dubitet autem an  
sicut; item si sciat se fuisse obligatum promit-  
tere; an dubitet; an satisficerit obligationi,  
judicabit se verè promisisse: quia in dubio  
præsumitur id factum, quod de jure erat fa-  
ciendum. Tuschus lit. F. concl. 19.

**Q. 5.** *Quanta oriatur obligatio ex sponsalibus?* 343.  
 cum conditione contractis? R. Si conditio adje-  
 cta turpis sit, vel matrimonio repugnans  
 quoad ejus executionem, vel impossibilis,  
 nulla simpliciter oritur obligatio: quia ne-  
 mo obligari potest ad impossibile, vel turpe.  
 Patet etiam in omnibus aliis contractibus,  
 qui talis adjecta conditione non obligant,  
 exceptis testamentis, & matrimonii, idque  
 tantum in foro externo, in quibus præsu-  
 mitur testantem, vel matrimonium contra-  
 hentem non voluisse actum irritum tacere,  
 adeoque tales conditiones non serio adje-  
 cisse, Kugler p. 2. de Spons. n. 12. Ex quo  
 etiam noto, causam adiectam, modum, leu-  
 oneris annexionem, item demonstratio-  
 nem, seu appositionem signi experimentem  
 qualitatem demonstrativam rei, vel perso-  
 nae, distincta esse à conditione neque actum  
 suspendere, si causa aut demonstratio (citra  
 errorem circa substantiam) non subsistat,  
 aut modus necdum sit impletus. Ac ideo  
 bene observandum est; an id, quod cum par-  
 ticipula se adjicitur, verè sit conditio. Quid  
 si conditio adiecta sit honesta, nec matri-  
 monio repugnet, nec sit impossibilis, non est

**Q. 5.** *obligatio*

obligatio ineundi matrimonium ante impletam conditionem; èa autem impletâ obligant sic, sicut absolute contracta. Neque requiritur novus consensus, ut fusè tum auctoritate, tum ratione probat. cit. Kugler de Matr. n. 713. & 714.

**344.** Q. 5. *Quandonam post sponsalia matrimonium sit ineundum?* R. spectandum hic esse tempus ab ipsis contrahentibus præscriptum, nisi una pars liberaliter permittat dilatationem. Si verò nullum tempus præfixum sit, tunc tenetur quisque contrahere illo tempore, quo alter spectatis omnibus circumstantiis id rationabiliter exigit. Proinde si alter non exigat, non est obligatio proponandi; monendos tamen sponsos monet Gobat. hic n. 124. ut factis sponsalibus quamprimum contrahant matrimonium per verbâ de præsenti coram Parocho & testibus; nè sponsæ periculum stupri habeant.

**345.** Q. 6. *Quam vim habeant sponsalia contrafacta sub conditione: si Papa dispensaverit?* R. det Gobat tr. 10. n. 161. & 162. quando subest impedimentum, in quo Papa non nisi gravissima de causa dispensat, ut est impedimentum Ordinis sacri, aut affinitatis in primo gradu, promissio sub conditione adjecta nihil virium habet. Si verò impedimentum facile est dispensabile, valent sponsalia impetrata dispensatione. Sanchez I. 5. D. 5. n. 4. ibidem. licet novum consensum minus probabiliter requirere videatur. Ratio est: quia

quia prior conditio primæ dispensationis est moraliter impossibilis, conditio alterius & possibilis est, & honesta. Unde etiam licet adjicitur. Hinc Perez D. 16. s. 4. cum aliis docet eum, qui sub tali conditione fecit fidem, teneri vel petere, vel expectare dispensationem petendam à parte altera, si justa causa subsit. Sed eodem numero 164. Gob. cit. revocat sententiam, motus autoritate contraria Rotæ Romanæ apud Dianam p. 6. in fine. Addit subinde n. 166. non subsistere etiam sponsalia, quando contrahentes innodati impedimento non fecerunt ullam mentionem dispensationis, scientes tamen se illâ indigere. Proinde in casu utroque dispensatione obtenta renovandum esse consensum. Considerata tamen ratione, nec apparente clara Pontifica declaratione standardum videtur priore sententia Kugler Opusc. de Spons. q. 5. n. 54. citans Sanch. Laym. Gob. Zoësium &c.

*Q. 7. An contractui sponsalitio apponi posse.* 346.  
 sit conditio penalitatis, si pars alterutra resiliat à contractu? q. cum Communi teste Laym. hic n. 8. negativè: quia talis pacti obligatio esset valde periculosa, nè ex coactis per personam nuptiis sequantur infelices exitus. Idem tamen Laym. hic n. 8. probabilem censet sententiam oppositam, si pars alterutra in justè resiliret, adducens L. ultimam Cod. de sponsalibus, mandantem, ut resiliens arrhas duplicates restituere cogatur: imò ut partes etiam

etiam in pœnam tripli, quadrupli, non amplius inter se convenire possint. Si vero justa à nuptiis causa resiliendi subsit, arrhas reddere sufficiat. Addit, spectato communione jure, arrhas à dante repeti posse post nuptias; quippe cessante causa, ob quam datae sunt; quamvis consuetudine aliter apud nos servetur, ut v. g. annulus arrhæ nomine datus, quasi sponsalitia donatio nuptiarum causâ facta iis secutis confirmetur. Prior tamen videtur probabilior ob rationem datum; tum quia matrimonia, quantum fieri potest, opotet esse liberrima.

**347.** Q. 8. *Ad quid, & quantum obligent sponsalia sub conditione; si Pater, vel Mater consenserint?* R. cum communi ita obligare, ut si parentes aperte consentiant, nec consensum revocent, oporteat stare illa promissione; si vero pater initio consentiat, deinde dissentiat, juxta consilium Gobat, n. 167. ii in praxi ex dissentientibus DD, sunt sequendi, è quorum sequela nascuntur minora incommoda, sicut & in casu, quo parentes neque contradicunt, neque aperte dissentunt. Ceterum sufficere videtur, si non contradicant cum indignatione.

**348.** Q. 9. *An valida, licita, consequenter obligatoria sint sponsalia clandestina?* R. affirmative. Ita Laym. l. 5. tr. 10. p. 1. c. 1. n. 3. Palaus D. 1. de spons. p. 2. n. 15. cum aliis permultis. Ratio est: quia lex Trid. Sess. 24. c. 1. de ref. matrimon. irritans matrimonia clandestina, est odio,

odiosa, adeoque non extendenda, nisi ad calus expressos. Qua propter licet passim sponsalia absque Parocho, & omni teste sic contrahantur, in nullo tamen foro declarantur irrita. Accedit, quod sacra Congregatio apud Sanchez l. i. D. 12. n. 2. definiat: decretum Tridentini tantum habere locum in matrimonio per verba de praesenti.

**Q. 10.** *An matrimonium clandestinum inter puberes habeat saltiem vim sponsalium de futuro?* 349.  
 34. negativam esse probabiliorem. Ita Sanch. l. i. D. 20. n. 3. Ilsung. tr. 6. D. 9. n. 8. Bonac. Gonzal. &c. Ratio est: quia Trid. citatum hujusmodi contractus irritos, & nullos esse decernit Sess. cit. c. cit. Ex quo clare sequitur matrimonium clandestinum inter puberes nec vim habere sponsalium de futuro.

**Q. 11.** *An ex matrimonio clandestino pube-350. rium oriatur impedimentum publica honestatis?* 35.  
 probabiliorem esse affirmativam. Colligitur 1. ex declaratione Congr. Cardinalium à Pignatello, & Gallamar. citata, cujus verba sunt: *præsupposita declaratione SS. D. N. Pii V.* super hoc decreto censuit Congregatio oriri impedimentum publicæ honestatis ex sponsalibus per verba de praesenti etiam nulliter contractis omissa forma Concilii Tridentini c. 1. hujus Sess. 24. & constat ex cap. ad audientiam de sponsal. ubi existente matrimonio nullo propter impedimentum consanguinitatis oritur publica honestas. 2. Ex Cap. un. de sponsal. in 6. circa quod

quod Trid. nihil innovavit; ibi enim solum  
publicæ honestatis impedimentum oritur  
ex matrimonio irrito, ubi ejus nullitas non  
provenit ex defectu consensus interni, &  
naturalis; hic autem matrimonii nullitas  
non provenit ex defectu consensus, sed ex  
defectu solennitatis, & præsentia Parochi;  
ergo. Hinc facile respondetur ad aliam  
Quæst. an ex matrimonio publicè quidem,  
sed fictè contraçto, vel ex sponsalibus appa-  
renter tantum validis, oriatur dictum impe-  
dimentum? cum enim nullitas proveniat ex  
defectu consensus, patet id minimè oriri.  
Accedit, quod publica honestas sit quædam  
quasi affinitas ex animorum conjunctione  
per verum consensum orta; ergo ubi hæc  
conjunctione deest, etiam deerit impedimen-  
tum. Cæterum licet valida sponsalia consensu  
mutuo dissolvantur; impedimentum tamen  
publicæ honestatis non aufertur: quia non  
per mutuum consensum, sed auctoritate Ec-  
clesiae est introductum. Nec ullum funda-  
mentum habetur, quod, cum sponsalia per  
mutuum consensum cessant, etiam Ecclesia  
cessare velit publicam honestatem.

**351.** Q. 12. *Ad quid teneatur, qui facta spe, vel  
sub ficta promissione matrimonii puellam induxit  
ad copulam?* R. 1. tenetur sub mortali illam  
ducere, nec sufficit dotare: quia in omni-  
bus contractibus, ubi intervenit: *do, ut des,*  
*aut: facio, ut facias*, vult justitia, ut cum una  
pars contractum implevit, impleat & altera,

Si possit. 2. Quia esto dotem dando daret  
æquale pro damno Virginitatis, aliter in sua  
specie non recuperabilis; at pro injusta de-  
ceptione non est satis, nisi dolum auferat,  
& verum consensum, ad quem ex justitia  
tenebatur, loco ficti præstet. Nec est ve-  
rum, quod justitia plus non requirat, quam  
æquale, quando idem, quod in specie, da-  
batur, in specie reddi potest. Ità La Croix  
l. 6. p. 3. de sponsal. n. 69. cum multis à se  
citatibus; ubi etiam n. 70. addit verum id esse,  
licet puellam cognoscens sciverit eam prius  
esse corruptam: quia hoc non obstante li-  
berè contraxit; nec fraus intervenit ex par-  
te puellæ. Sanch. tamen l. I. D. 10. n. 23. cum  
aliis huic ultimæ oppositam non improba-  
biliter tuetur. Excipit Gobat tr. 10. n. 229.  
nisi corrupta sciverit corruptem esse  
voto castitatis obstrictum, nec is promiserit  
se dispensationem petiturum.

Q. 13. An sponsalia ex metu injustè incus. 352.  
so contracta sint valida? vel saltē obligent ex  
religione, si accedat juramentum? R. si metus  
talis sit levis, sunt valida; si vero metus  
talis injustè incussus ad sponsalia extor-  
quenda sit gravis, licet probabiliter irri-  
ta non sint jure naturæ; cùm talis metus  
non tollat libertatem; probabile tamen est  
irrita esse jure positivo, si metus ab altero  
contrahente injustè incutiatur. Sic enim  
videtur statui c. ex literis, de despōsl. im-  
pub. Quod si vero metus à tertio incutiatur,  
putat

putat Krimer n. 452. per l. 14. §. in actione ff. quod metū causa, fieri potestatem metum passo, ut sponsalia per judicem rescindantur, ut in aliis contractibus. Porro jurementō talia sponsalia non firmantur, ut patet ex cit. c. ex literis, docēntque non paucum Sanchez. l. 4. D. 21. n. 3. nec tale jumentum obligare: quia jus illud ab initio irritat. Unde nec opus est relaxatione. Ita La Croix cit. n. 105. 106. 107. 108.

353. Q. 14. *Quid circa arrhas, seu quod post sponsalia datur velut in pignus pro assecuratione?* item quid circa sponsalitias largitates, seu donum, quod post sponsalia tradicunt sponsa sub conditione saltem facta: si matrimonium sequatur, & non fiat frass in doce? item quid circa donum matutinum, seu quod maritus secundo die nuptiarum uxori dat pro pudicitia, vel virginitatis thesauro sibi tradito, sit notandum? q. cum La Croix l. 6. p. 3, à n. 134. ad 1. si dans arrham sine justa causa resiliat L. si is. & L. mulier statuitur, ut eam amittat. Si vero excipiens arrham sine justa causa resiliat, teneatur eandem restituere, & tantundem in æquivalenti adjicere, imò etiam triplum, aut quadruplum, nisi esset minor mulier annis 25. tunc enim tenetur restituere solam arrham. Quod si dans arrham stet promissis, potest absque omni sententia judicis statim repetere inito matrimonio, uti & tunc quando cum justa causa resilit. Vide Sanch. l. 1. D. 27. q. cum Eodem ad 2. de sponsalitia largitate, quæ etiam

jocalium, dotalitium, mundus muliebris, donatio ante nuptias, donum sponsalitium dicitur, statuitur L. cum veterum. & L. si à sponsō Cod. de donat, ante nuptias, ut si matrimonium ex justa causa non sequatur, dominium ejus maneat penes dantem. Itēm ut sponsa, quæ post valida sponsalia passa est osculum (& multò magis copulam) acquirat pro se, & hæredibus suis dominium mediæ partis: quia ruborem istum vel incommodum subiit, & facta est in tantum vilior. Si autem matrimonium consummatum fuerit, totum est uxoris quoad dominium, & usum: quia est vera donatio. Præterea qui absque justa causa resilit, perdit jus ad illam, innocens verò acquirit dominium. Si quid detur ante sponsalia, non est largitas sponsalitia, sed donum ad concilium amorem. R. ad 3. Donum matutinum, seu Morgen-Gab / spectare ad uxorem, quæ illud etiam alienare potest inter vivos. Horum occasione

Q. 14. Quānam dicantur bona conjugum 354.  
 dotalia, paraphernalia, propria, communia,  
 & quid circa illa possit maritus & uxor? R.  
 1. bona dotalia dici illa, quæ uxor affert marito ad sustinenda onera matrimonii; horum dominium habet uxor, potestque post mortem de eis disponere. Usumfructum verò, & totam administrationem habet maritus. R. 2. bona paraphernalia, seu præterdotalia sunt; quæ uxor præter dotem affert, P. Herzog Man. R item

item quæ ipsa acquirit per industriañ, aut per laboreñ ultra eum, quem familie debet, vel quæ ipsi donantur, vel legantur, aut alio modo adveniunt citra mariti coope-  
rationem; item quæ à marito illi dantur, tam quoad jus, quam quoad usum; horum  
habet uxor plenum dominium, & admini-  
strationem, nisi in quibusdam locis aliter sit  
statutum, maximè si non attulit dotem,

*R. 3. Bona antiphernalia sunt, quæ maritus assignat uxori in compensationem reciprocam dotis; horum dominium, & usus est pe-  
nes maritum. R. 4. bona propria sunt bo-  
na omnia, quæ maritus habet excepta dote,  
& uxor exceptis bonis antidotalibus.*

*R. 5. Bona communia sunt, quæ durante matri-  
monio accedunt ex communib[us] bonis;  
horum medietas quoad jus ad maritum,  
medietas ad uxorem pertinet; quoad usum  
autem, & administrationem omnia spectant  
ad maritum tantum. Vide La Croix l. 3. p. 1.  
à n. 1017.*

### §. III.

#### De Dissolutione Sponsalium.

355. *Q. 1. Quæ cause sint sponsalia dissolvendi?*  
*R. certum esse sponsalia solvi per*  
*mortem sponsi, aut sponsæ. Hac causa*  
*suppositâ R. septem aliæ cause assignantur*  
*à Gobat. tr. 10. n. 246. 1. Est mutuus con-*  
*sen-*

Iensus. 2. Conditio non purificata , sub  
qua sunt inita. 3. Dispensatio Pontificia,  
4. Privilegia ætatis. 5. Ignorantia, seu er-  
ror. 6. Mutatio superveniens. 7. Absen-  
tia sponsi. Busenb. de spons. dub. 3. ex variis  
authoribus novem causas assignat. 1. Est  
matrimonium validum cum alia initum.  
2. Consensus mutuus. 3. Superveniens  
impedimentum dirimens. 4. Atrox crimen  
alterius sponsi. 5. Notabilis mutatio , quæ  
si principio cognita fuisset, à sponsalibus de-  
terruiisset. 6. Est profectio unius sine alte-  
rius licentia in terram longinquam. 7.  
Conditio non purificata. 8. Susceptio Or-  
dinis sacri. 9. Quam probabilem ait , vo-  
tum castitatis simplex. 10. Rursus assignat  
vel melius explicat : quomodo matrimo-  
nium cum alia contractum dissolvat , videli-  
cet quoad eam partem , quæ illud non con-  
traxit; quoad eam verò partem quæ con-  
traxit, non dissolvi, sed suspendi, adeoque ma-  
trimonio hoc soluto manere obligationem  
ad priora sponsalia implenda. Addit in cau-  
sis adductis, si manifestæ sint, non requiri  
authoritatem Judicis ; secus, si non sint ma-  
nifestæ. 2. Si sponsus cognito suo jure resi-  
liendi , nihilominus carnaliter cognovit  
sponsam, censi tacite suo juri renunciâsse,  
& sponsalia ratificâsse. Pro horum decla-  
ratione

Q. 2. An sponsalia mutuo consensu dissolvan. 356.  
ur, tametsi vote, aut juramento sint firmata?

¶. affirm, ratio est : quia etiam cum voto,  
 & juramento semper habent imbibitam  
 conditionem : nisi ab illo , cui spondeo,  
 remissa fuerit obligatio. Deinde votum,&  
 juramentum DEUS non acceptat, nisi in  
 gratiam sponsæ ; ergo si sponsa remittat, ab.  
 solvitur sponsus. Gob. tr. 10. n. 251, Palaus,  
 Dian, Sporer &c. Aliud est quoad sponsa.  
 lia impuberum jurata , quæ obligant parte  
 altera retinente: quia circa hos jus aliter di.  
 sponit c. ex literis 10. de spons. Rationem  
 dat Sanch. l. 1. Disp. 51. n. 22. & Gob. tr. 9.  
 n. 382. nè ætas illa ob inconstantiam expo.  
 natur nimiis mutationibus. Porrò ut mu.  
 tuus consensus dissolvat, debet abesse fraus,  
 metus, vel alias injustus modus, quo procu.  
 ratur: cum quibus dissolutio omnino est in.  
 validia, ac ideo conceditur actio partiinno.  
 centi contra sic procurantem.

357. Q. 3. *Quomodo matrimonium validum  
 cum altero contractum dissolvat sponsalia?* ¶. dis.  
 solvit quoad eum , qui non contraxit ; quo.  
 ad eum verò qui contraxit non extingui.  
 tur obligatio, si alter expectet, sed suspen.  
 ditur ita, ut matrimonio hoc soluto teneatur  
 ad implenda priora sponsalia. Palaus de  
 spons. d. 1. p. 21. n. 4. Tamb, Haun, Sporer  
 &c. Ratio est : quia non extinguitur dicta  
 obligatio ex natura rei ; cùm se compatia.  
 tur cum matrimonio ; nec jure positivo:  
 quia textus Apostoli tantum dicunt talem  
 mari.

maritum debere manere cum conjugi.  
 2. Quia matrimonio tali non extinguitur  
 rum castitatis, aut ingrediendæ religionis;  
 ergo à pari. 3. Quia iniquum est, ut perfidè  
 resiliens ex malitia reportet lucrum cum  
 damno sponsæ relictæ. Nec obstat 1. quod  
 vinculum matrimonii sit fortius, quam  
 sponsalium: cùm enim dissolubile sit, &  
 compatibile cum minùs forti; non extinguit  
 minùs forte. Nec obstat 2. quod sponsa  
 per matrimonium tale fiat alterius, conse-  
 quenter sponsus jus amittat: quia licet ve-  
 rum hoc sit, quod jus in illam non habeat,  
 quamdiu est in matrimonio; habet tamen  
 jus in illam cessante matrimonio; sicut licet  
 emptor alicujus rei, quæ alteri emptori est  
 tradita, nullum in eam jus habeat, quamdiu  
 est sub dominio secundi emptoris; habet ta-  
 men jus, si ad venditorem redeat.

*Q. 4. Quæ criminis dissolvant sponsalia?* Rx. 358.

1. Crimen dissolvens esse furtum, homici-  
 dium, ac omne illud quod grave dampnum,  
 vel infamiam parit. Bon. q. 1. p. 8. n. 12. de  
 spons. Rx. 2. probabilior est sententia dis-  
 solvi sponsalia per stuprum, aut vim sponsæ  
 illatam à tertio. Ratio est: quia sponsa per  
 hoc est redditia notabiliter vilior; tum quia  
 sponsus exponeretur periculo alendæ prolis  
 alienæ, Rx. 3. fornicatio sive spiritualis, ut  
 hæresis, sive corporalis tam sponsi, quam  
 sponsæ post sponsalia, pariter dissolvit spon-  
 salia

falia. Excipit Sanch. l. i. d. 55. n. 8. si sponsus metu gravi fornicari cogeretur. *R. 4.* si sponsa permittat se tangi impudicè ab alio per oscula, & amplexus, potest sponsus resiliere à sponsalibus; sed non vice versa: quia etsi sponsus id faciat, non est dedecus sponsæ, nec mutatio alicujus momenti. Dian. p. 3. t. 4. n. 282. Sanch. &c. nisi oscula & amplexus sponsi essent ità frequentes, ut incident valde propensum in alteram; ut merito timeri possit, nè sponsam minus sit amaturus, aut fidem non servaturus. Laym. l. 5. tr. 10. p. 1. c. 2. n. 11.

**359.** *Q. 5. An si sponsus, & sponsa fornicetur, resilire liceat utrique?* *R. affirmativam esse probabiliorem.* Ità Kugler cum aliis p. 3. q. 7. n. 89. Ratio est: quia uterque violat fidem, & violando tacitè renunciat sponsalibus. Nec obstat, quòd violatio sponsæ fœdior sit, & sic compensari nequeat in ratione delicti, vel infamiae, vel turpitudinis, vel damni ex fornicatione oriri soliti; potest tamen eadem compensari, & ratione renuntiationis compensatur. Nec obstat 2. quòd oscula sponsæ, non autem sponsi dissolvant: quia fœdiora sunt; sed ideo etiam: quia oscula sponsi ad eum gradum non ascendunt communi judicio; ut sint absolute causa sufficiens resiliendi. Nec 3. quòd si conjux uterque adulteretur, neutri resilire liceat à thoro: quia pro hoc stat clarum jus c. intellexi.

leximus 6. de adult. non pro altero. Deinde plus requiritur pro divertio, quām pro sponsalium dissolutione ob pericula incontinentiæ & adulteriorum. Porrò ad hoc, ut resilire possint, non sufficit sola præsumptio; licet hac posita suspendi possit matrimonium, dum plenior habeatur probatio.

Q. 6. An sponsalia priora dissolvantur per 360. posteriora copula carnali confirmata? R. cum Sanch. l. 1. D. 49. n. 1. Laym. l. 5. tr. 10. p. 1. c. 1. n. 5. negativè. Ratio est 1. quia cum sponsa prior habeat certum jus nullo scelere legitimè acquisitum, iniquum foret, si cedere cogeretur sponsæ secundæ fornicariæ poenam potius, quām præmium meritæ. 2. Quia tunc sponsus fornicariam non tenetur ducere vi promissionis, quæ irrita est; nec ratione damni: cum illud alia viâ possit compensari. Aliud esset, si matrimonium cuin altera foret initum: cum enim matrimonii vinculum indissolubile sit, & incompossibile cum priore priorum sponsalium, necessariò vinculum debilius cedit fortiori.

Q. 7. Quæ mutationes sponsalibus super 361. venientes dissolvant sponsalia? R. 1. inimicitia orta inter parentes sponsorum est causa sufficiens dissolvendi. Gobat. n. 230. si verò inter sponsos sit oborta, is, qui causa fuit, tenetur priùs adhibere media ordinaria ad

pacem reducendam. Sporer n. 216. simili-  
ter si certum, non verò tantum probabile  
sit periculum, ne parentes propter matrimo-  
nium cum gravi scandalō fiant inimici, cau-  
sa sufficiens est dissolutionis. Sanch. l. 1. D. 14.  
n. 4. R. 2. probabilem etiam esse causam  
dissolvendi, si sit suspicio morbi gravis, & in-  
curabilis; item prudens metus exhæredatio-  
nis; quamquam tunc convenientia expectare,  
dum morbus depellatur. Sporer n. 217. R.  
3. Juxta eundem Sporer n. 211. Sanch. Pont.  
causa sufficiens est foetens halitus. Item si  
sponsa ex pulcherrima fiat notabiliter defor-  
mis. Item si sponsus fiat horribiliter defor-  
mis, Gob. n. 305. addit, si sponsus comperi-  
atur habere herniam. In his tamen, & si  
milibus monet La Croix h̄c n. 171. atten-  
dendas esse circumstantias: an non, quam-  
vis hæc fuissent ab initio, illis non obstanti-  
bus fuissent contracturi. Item n. 161. si hæ-  
causæ dissolvant sponsalia; tamen contracta  
annexum habere impedimentum publicæ  
honestatis, R. 4. probabilem esse in utram-  
que partem sententiam, si sponsus, & spon-  
sa incident in æqualem paupertatem; si verò  
unus repente fiat longè ditior, & honora-  
tior, resilire non potest. Kugler p. 3. q. 10.  
n. 107. Opposita tamen non est etiam im-  
probabilis. Optimè monet Sporer n. 218.  
consulendum esse alteri, nè multum repu-  
gnet dissolutioni ob periculum mali matri-  
monii, ideoque petat aliquid in compensa-  
tio-

tionem. R. 5. cum Gob. n. 337. sufficiens causa est, si unus sponsorum talem horrorem etiam invitatus habere perget, ut serio, & ex conscientia dicat se malle quidlibet pati, quam inire matrimonium. Unde S. Congr. apud Dian. p. 11. tr. 2. ref. 70. decidit tunc abstinendum esse a coactione. Cautela tamen magnâ hîc opus est, bene consideranda initia, & causæ talis horroris: an non frivole sint. R. 6. cum eodem n. 339. sufficiens præterea causa dissolvendi est, si sponsa, quæ putabatur non pauper, non adferat dotem: quia in omni actione nuptiali includitur promissio dotis. Denique si causa dissolutionis maneat dubia, accedere debet judicium superioris Ecclesiastici; in foro autem conscientiæ sufficit moralis certitudo, ut dissolvantur. Tamb. l. 8. c. 5. §. 9. n. 7. & 8. Sanch. Hurt. &c.

Q. 8. An defectus, vel causa post sponsalia 362.  
 primum cognita, quæ si fuisset cognita ante, jus det ea dissolvendi? R. affirm. quia paria censentur non esse, & non apparere. Et ideo etiam paria sunt aliquid supervenire, & præcedere ignoranter. Sanch. l. 1. d. 63. n. 3. Less. Laym. &c. Talis defectus, & causa foret, si sponsus primum post sponsalia intelligat sponsam ineptam esse ad generationem. Gob. n. 308. Item si resciatur non habere nobilitatem, quam habere putabatur. Gob. n. 343. Item si sponsus resciat sponsam esse for-

nicatam, aut imprægnatam ab alio; non item si sponsa resciat fornicatum sponsum: quia vitium hoc minoris æstimationis est in sponso, quam sponsa. Sanch. l. 1. D. 63. n. 3. & 9. Excipe nisi sponsus ex fornicatione prolem haberet. Krim. in l. 4. Decretal. n. 312. Palaus, Coninck. Item si unus sponsorum resciatur habuisse, & habere morbum gallicum, lepram &c. Ita Sanch. cit. n. 2. idem est, si prius putata Virgo, dein comperiatur vidua.

363. Q. 9. *An tali defectu laborans teneatur eum in contractu manifestare?* R. affirm. quia cæteroquin parti ignorantis imponitur onus, in quod non consentit. Gob. n. 367. Quod si defectus non afferret specialia incommoda, quamvis, si resciretur, daret justam causam dissolvendi sponsalia, ordinariè teneri potest, & contractus absolvi. La Croix l. 6. p. 3. n. 182. Tunc verò manifestari debet, cum erupturus videtur defectus, ac graves rixas, & discordias pariturus. Quod si manifestato defectu pars altera sponsalia ratificet, vel expressis verbis, vel ipso facto, & præsertim copulâ; non amplius licet resistire. Sanch. l. 1. D. 66. n. 2.

364. Q. 10. *Quomodo dissolvet discessus in terram longinquam?* de his jus Canonicum c. de illis de spons. expressè dicit: de illis qui præstito juramento promittunt se aliquas mulieres ducluras,

*& postea ets incognitis dimitunt terram, se ad partes alias transferentes, hoc tibi volumus innoscere, quod liberum erit mulieribus ipsis - ad alia se vota transferre.* Gobattamen n. 353. expectandum censet aliquo tempore juxta virtutis prudentis judicium. Si sciret brevi redditum, omnino non posset ad alia sponsalia transire. Idem est si justa causa absentiae adesset. Si sponsus insciā, vel invitā sponsā alio sit profectus animo emanendi; aut jam alibi domicilium fixerit, non tenetur, etiam momento, expectare: quia censetur renunciāsse suo iuri. Vide Sanch. D. 54. a. n. 10.

Q. 11. *Quomodo ingressus in religionem, voluntum, Ordines sacri dissolvant sponsalia?* R. 1. per ipsum ingressum in Religionem professione necdum secuta dissolvuntur ex parte remanentis; ingredientis autem obligatio non extinguitur, sed tantum suspenditur, ita ut egrediens obligetur ad contrahendum matrimonium, si compars velit. Ita contra Sanch. l. 1. D. 42. n. 5. Suar. t. 3. de Rel. l. 4. c. 5. n. 14. Ledesma, Manuel &c. Rationes prioris partis sunt: quia ingressus in Religionem est tacita quædam renuntiatio; ergo eo ipso pars remanens acquirit jus pariter renunciandi. Deinde per ingressum talem fit notabilis mutatio in ingredients. Demum professio religiosa solvit ipsum matrimonium: ergo ingressus in Novitiatum saltē sponsalia solvet, Rationes pro altera parte

parte sunt: novitiatus neque ex natura, neque ex jure solvit sponsalia. 2. Pars remanens tali casu non cessit jure suo. 3. Quia religionis desertor indignum se reddit, ut favore religionis eximatur ab obligationibus antea contractis. 4. Alias via aperiretur multis fraudibus. *R.* 2. Votum simplex castitatis, cælibatus, suscipiendi Ordines sacros post sponsalia emissum, probabilius ea non dissolvit. *Nav. Summ. c. 22. Sanch. I. 1. d. 43. n. 6. Armill. &c.* Ratio est: quia tale votum est illicitum, consequenter DEO nequaquam placens: est enim juri alterius præjudicans. Unde forum externum solet tales voventes compellere ad fidem servandam. Nec obstat, quod post sponsalia inita licitum sit emittere votum ingrediendi religionem: quia pro hoc habetur clarum jus *c. verum 2. ex publico 7. de convers. conjug.* quale non habetur pro voto castitatis simpli- ci, vel cælibatus, vel ordinis suscipiendi.

**366. Q. 12.** *An si obstrictus voto castitatis, cælibatus, Religionis, vel ordinis suscipiendi, sponsalia contrahat cum defloratione sponsæ voti ignara, obligetur ad votum? an ad sponsalium impletionem?* *R.* sententiam utramque ponderosam pro se habere autoritatem. Ratione tamen per pensa probabiliorem esse sponsalia voto prævalere. Ratio autem hæc est: quia votum non obligat rebus notabiliter mutatis, quod hic prorsus notabiliter evenit;

nit, adveniente nimirum fortissimô justitiae vinculô, & damno sponsæ ex voti impletione secuturo. Sicut ergo qui vovisset se daturum eleemosynam 100. fl. inferretque damnum tanti æstimatum, quod aliunde solvere non posset, teneretur dare illos 100. fl. DEO promissos. Itèm si ære gravatus vovisset Religionem, teneretur ingressum omittere, aut suspendere, quàmdui spes affulget possibilis solutionis; sic tiām hīc.

## ARTICULUS II.

## §. I.

**Quid, & quotuplex sit Matrimonium?**  
quæ Ejus materia, forma, &  
Minister?

**Q.** 1. *Quid sit matrimonium?* R. cùm ma-367.  
matrimonium sumi possit vel pro vinculo, vel pro contractu, vel pro Sacramento, ideo variè à variis definitur. Universalis definitio etiam matrimonio, quod non est Sacramentum, conveniens est: *matrimonium est conjunctio maritalis viri, & fœminæ inter legitimas personas individuam vitæ consuetudinem retinens.* Prout verò est Sacramentum bene definitur: *est Sacramentum conjunctionis maritalis viri, & fœminæ inter legitimas personas causativum gratia, & indivi-*